

# TŌKU MĀPIHI MAUREA

## Kura Kaupapa Māori

2017



### He Pukapuka Whakamārama

137 Silverdale Road  
KIRIKIROA

Postal Address:  
P O Box 23017  
Hamilton East  
KIRIKIROA

Kawe reo/Waea: 07 856-8266  
Waea Whakaahua: 07 858-3426  
Imera: [tari@tmmkkm.school.nz](mailto:tari@tmmkkm.school.nz)

## **Ihirangi** **(Contents)**

<i>Mihi Whakataau</i>	<i>wh.3</i>
<i>Ko ngā whakaaro whānui o te kura</i>	<i>wh.3</i>
<i>Ko ngā kōrero nehe o te kura</i>	<i>wh 4</i>
<i>Ko ngā kaimahi o te kura</i>	<i>wh.5</i>
<i>Ko te poari</i>	<i>wh.5</i>
<i>Ngā wāhanga o te Tau</i>	<i>wh 6</i>
<i>Ko ngā utu o te Kura</i>	<i>wh 6</i>
<i>Ngā haora o te kura / Ngā haora kai / Te pānui o te kura</i>	<i>wh.7</i>
<i>Ki te ngaro i te kura.</i>	<i>wh.7</i>
<i>Mahi Hangarau</i>	<i>wh.7</i>
<i>Ngā pōtae / Te hari taonga ki te kura</i>	<i>wh.7</i>
<i>Ngā aratohu arahi tamariki / Ngā Hui-a-Kura</i>	<i>wh.8</i>
<i>Auahi Kore / Putea Waka / Kutu</i>	<i>wh.9</i>

## He mihi whakatau

*He hōnore he korōria ki te Atua  
He maungārongo ki runga i te mata o te whenua  
He whakaaro pai ki ngā tāngata katoa  
E ngā mātua, ngā kaitiaki o a tātou tamariki, tēnā koutou katoa.*

## Te Koromakinga (Mission Statement)



*Tōku reo  
Tōku ohooho  
Tōku reo  
Tōku māpihi maurea  
Tōku reo  
Tōku whakakai marihi*

## Tirohanga Whānui (Vision Statement)

*Kia eke ai te tamaiti ki tōna taumata.*

## Ko ngā whakapono:

E whakapono ana te kura:

- ✚ ki ngā mātāpono o Te Aho Matua
- ✚ ka taea e ngā tamariki katoa ki te ako
- ✚ mā te mahi ngātahi o te kura me te whānau ka eke ngā tamariki ki ngā taumata
- ✚ mā te huarahi o te reo Māori me ngā tikanga ka tū pakari ngā tamariki i roto i te ao kikokiko nei.

## Ko ngā uara:

E tautoko ana te kura i ēnei uara:

- ✚ Ko te ngākau mahaki - manaaki tāngata, whakamana tāngata, aroha tētehi ki tētehi.
- ✚ Ko te pono me te tika
- ✚ Ko te whanaungatanga

## Ngā Iwi:

- ✚ Ko Ngati Haua te tangata whenua. Nā rātou te mana whenua.
- ✚ Ka hāpai te kura i ngā tikanga o Ngāti Haua.
- ✚ Mai i te tirohanga ahurea Māori tūturu ka whakaaro nui te kura ki ngā tikanga me ngā mātauranga o ētehi atu.

## Ko ngā kōrero o nehe o te kura

I te tau 1993 i whakaritea e ngā whānau o ngā kōhanga reo o Ngā Kuaka, Tōku Māpihi Maurea me Te Amokura kia whakatū ai i tētahi kura kaupapa Māori mō ngā tamariki e puta ana i ēnei kōhanga reo. E rua tau noho mai tēnei kura i tētahi whare o Te Kaunihera o Kirikiriroa i te huarahi o Pembroke i te tāone. He kura tūhāhā tēnei, ara, kāore i whai pūtea mai i te kāwanatanga ki te whakahaere te kura.

I tuwhera mai i te huarahi o Silverdale i te **24 o Paenga-whāwhā i te tau 1995**, e tata ana ki Te Whare Wānanga o Waikato. Ko te nuinga o ngā tamariki e ahu mai tonu ana i ngā kōhanga reo tautoko o te kura, ara, mai i a Ngā Kuaka me Tōku Māpihi Maurea. I tua atu o tēnā, nō ngā hau e whā.

Kāore he mutunga o ngā mihi ki a rātou ngā matua me ngā kaiako i para nei te huarahi, i whakapau kaha ki te whiwhi te kura e pēnei ana i tēnei rā. Whakamiha kau ana, whakamiha kau ana.

## Ko ngā Kaimahi o Te Kura 2017

<b>Tumuaki :</b>	Laura Hawksworth
<b>Kaiako Tau 0-2/Tumuaki Tuarua</b>	Dorie Olliver
<b>Kaiako Tau 0-2</b>	Lisa Hopa
<b>Kaiako Tau 2-4</b>	Karepe Edwards
<b>Kaiako Tau 2-4</b>	Tina Te Koi
<b>Kaiako Tau 4-6</b>	Namaka Barclay-Kerr
<b>Kaiako Tau 4-6</b>	Missy Clarke
<b>Kaiako Tau 7 – 8 / Pouako</b>	Keraita Kuiti
<b>Kaiako Reo Pākehā</b>	Donna Barlow - Rolleston
<b>Kaiako kaitautoko / kaiawhina</b>	Lauren Bell-Kingi
<b>Hekeretari</b>	Maeleen Murphy
<b>Kaitiaki / Kaitahitahi</b>	Albert Smith / Royce Ngatai
<b>Resource Teacher Learning &amp; Behavior (RTLB)</b>	Vinny Ridgeway Sarana King
<b>Social Worker in Schools (SWIS)</b>	Donald Turner

## Ko te Poari

<b>Kōmiti</b>	<b>Ko ngā tāngata</b>
BOT Tiatangata (Chairperson)	Tere Gilbert
BOT Tiatangata Tuarua	Mere Clendon-Smallman
Kaimahi Mēneti (Secretary)	Maeleen Murphy
Pūtea (Treasurer)	Tere Gilbert
	Tutahanga Douglas
	Sue Wardill
	Karl Strother
	Stephen Clark
Tumuaki	Laura Hawksworth
Māngai Kaimahi	Keriatia Kuiti

## Ngā Wāhanga Kura o te Tau 2017

<b>Te Wāhanga 1</b>	<b>Rātū 31 o Kohitaatea – Rāpare 13 o Paenga whāwhā</b>	
Hararei a kura	14 o Paenga whāwhā – 30 o Paenga whāwhā	
<i>Rā Hararei</i>	<i>Rāhina 06 o Hui tanguru</i>	<i>Rā Waitangi</i>
	<i>Rāmere 14 - Rātū 17 o Paenga whāwhā</i>	<i>Te Aranga</i>
<b>Te Wāhanga 2</b>	<b>Rāhina 01 o Haratua– Rāmere 07 o Hōngongoi</b>	
Hararei a kura	08 o Hōngongoi – 23 o Hongongoi	
<i>Rā Hararei</i>	<i>Rāhina 05 o Pipiri</i>	<i>Queen's Birthday</i>
<b>Te Wāhanga 3</b>	<b>Rāhina 24 o Hōngongoi – Rāmere 29 o Mahuru</b>	
Hararei a kura	30 o Mahuru – 15 o Whiringa ā nuku	
<b>Te Wāhanga 4</b>	<b>Rāhina 16 o Whiringa a nuku – Rāapa 15 o Hakihea</b>	
<i>Rā Hararei</i>	<i>Rāhina 23 o Whiringa ā nuku</i>	<i>Labour Day</i>

## Ko ngā utu o te kura

<b>Te Utu</b>	<b>Ko te wā hei utu</b>
\$30.00 (Kotahi te tamaiti)	Ia wāhanga
\$45.00 (tokorua ngā tamariki)	Ia wāhanga
\$60.00 (maha ake i te tokorua)	Ia wāhanga

## Ngā Hāora o te Kura



Ka tūwhera te kura hei te **8:30 ia ata**, a, ka kati hei te **3:30 ia ahiahi**.

Kāore he rerekētanga o ngā haora ki te ua.

Me tae mai a te wā tika, kaua i mua mai, i muri atu. Me tiki mai i ngā tamariki i mua i te 3:30 pm, kaua i muri atu. Ki te pērā, ka mate koe ki te utu i tētahi whāina – **he \$20 ia haurua hāora e tōmuri ana**.

### **Te Wā**

### **He Whaina**

3.31 – 4.00 karaka \$20.00

4.01 – 4.30 karaka \$40.00

Kia mataara mai!

## Ngā Hāora Kai

Te Wā Moko 10.25 – 10.55 karaka

Te Wā Tina 11.55 – 12.25 karaka

Te Wā Tākaro 1:25 – 1:55 karaka



## Te Pānui o te Kura

Ka tuku atu tēnei ki te kāinga ia Tūrei. Me ngana koutou ki te pānui i tēnei kia mōhio ai ngā nekehanga o te kura. Ki te pīrangi ki te tuku kōrero mā tēnei pānui, me tae mai tō kōrero ki te tari hei te 9.00 karaka i te ata o te Rāhina/Mane.

## Ki te Ngaro i te Kura

Ki te kore āu tamariki e haere mai ki te kura me waea mai ki te tari, me tuku pānui whakamārama rānei i mua i te wā ka ngaro atu.

## Te Hāngarau

Ka haere ngā Tau 7 – Tau 8 ki Te Kura Takawaenga o Peachgrove.

Te Rā	Te Wā	Te utu
Ia Rātū	9:15 – 11:00	\$66 mo ia tamaiti mō te tau

## Ngā Pōtae

Me mau pōtae maru rā ngā tamariki ia rā o te *wāhanga tuatahi* me te *wāhanga tuawhā*. Ki te kore, ka noho rātou ki ngā wāhi marumarū i ngā wā tākaro.

- Kei te tari ngā pōtae Sunsafe - \$12.00 te utu.



## T-Hāte Kura

Me mau hāte kura ngā tamariki i ngā wā pōwhiri me ngā haerenga.

- Kei te tari ngā hāte kura - 4-6 \$25.99, 8-16 \$26.99, S-XL \$29.99 te utu.

## Te hari tāonga ki te kura

E rāhui ana ngā momo tāonga katoa te hari mai ki te kura i te mea ki te ngaro, te pakaru rānei ka aue mai ngā tamariki. Mā ngā taputapu pēnei i ngā hū retireti me ngā papa wira, e whakaae ana mehemea kei te mau hoki i ngā taputapu haumarū. Ki te kore, kua rāhui.



## Ngā Hū

Kāore i te whakaaetia kia mau hū teitei ngā tamariki, pēnei i ngā Pulps me nga hū Wīra hoki. Me mau i ngā hū hākinakina, i ērā rānei e pai ana ki te hīkoi me te omaoma.

## Ngā Aratohu Arahi Tamariki

Ka whai te kura i ngā aratohu o te Assertive Discipline ki te ārahi i ngā tamariki i te kura. He kaupapa here i tua atu hoki e aro atu ana ki ngā tamariki e pēhi ana i ētahi atu.

Mehemea ka kangakanga, ka patu rānei tāu tamaiti tērā pea ka hoki ia ki te kāinga.



## **Ngā Hui-a- Kura**

Ka hui tahi ai te kura ki te karakia i te **8:55 ia ata o te Mane** me te **2:40 ia ahiahi Paraire**.

## **Auahi Kore**

He Kura auahi kore tēnei. He wāhi korekaipaipa katoa ngā whenua me ngā whare o te kura.



## **Nga Kai Tika**

He mea nui te taha hauora o te tamaiti na reira kāore te kura i whakaae ki ngā rare, ngā inu waireka me ngā inu whai kaha (energy).

E whakahaere ana te kura i tētehi huarahi hou mō te hoko kai hauora i te kura. Tirohia te whārangi ipurangi nei mō ngā kōrero, ngā rārangi kai anō hoki: <http://lunchorders.co.nz/> Kātahi haere ki te wāhanga e kī ana “Sign Up” i te tuatahi.

Ka tuku tonu mā te ipurangi, i te kāinga, ā ka tuku mai te kamupene i ngā kai ki te kura i mua i te tīmatanga o te wā tina (11:55 karaka) i ia Rāpare.

## **Putea Waka**

Mehemea ka noho tawhiti tāu tamaiti i te kura ka āhei koutou ki te tonu ki Te Tāhuhu o te Mātauranga mō tētehi putea hei āwhina i a koutou ki te hari mai ki te kura, me te whakahoki i ō koutou tamariki. Ka whiwhi te kura i te putea, ā, ia wāhanga ka āhei koutou ki te tonu mai ki te kura mō taua pūtea. Kei te Tari ngā pepa tonu.

## **Kutu**

I ētahi wā ka tirohia e ngā kaiāwhina ki ngā māhunga o ngā tamariki mo ngā kutu me ngā rīha. Ko te tikanga kei te whakamōhio atu ki a koutou, mā te kura pānui te wā ka tirohia e ngā kaiāwhina ki ngā māhunga o nga tamariki. Mehemea ka pā ngā ngāngara ki āu tamariki, ko te tikanga, ka noho āu tamariki ki te kāinga tae noa ki te wā ka whakatikahia e koutou i o rātou māhunga.

## **Hangarau Mohiohio / Waea Pūkoro**

Kaua koa e tukuna mai ngā waea pūkoro/taputapu hangarau ki te kura. Mehemea he take kia mau mai tāu tamaiti i tētehi me whakawhiti kōrero ki te taha o te tumuaki. Mehemea he take, ka pupuri ki te Tari mō te katoa o te rā.

## Hōtaka Manaaki

Kei te kura he hōtaka hei manaaki tamariki a muri kura mai i te 3.00 – 5.30pm i ia rangi. Nā Te Kōhanga Reo o Ngā Kuaka i whakatū, mā rātou hoki e whakahaere.



## Tō tātou reo rangatira

He tono tēnei ki a tātou katoa, ahakoa pakeke, ahakoa tamariki e uru mai ana ki te kura, ki te whakanui i ō tātou reo rangatira i ngā wā katoa. Mā te kōrero tonu, ka ū.

